



kal.komp.

22262

frances

III

Mag. St. Dr.

P

*Prokopowic Casimiri: Splendor theologiae honoris
et sapientiae.*

PANEG. et VITAE
Polon. Fol.
№ 1324.

Biblioteka Jagiellońska



stdr0000578

678453

S
T

D.

S

Sa

C

S

S

4.

SPLENDOR

Theologici Honoris & Sapientiae,

I N

Perillustri, Clarissimo, & Admodum Reverendo Domino,

D. M. CHRISTOPHORO
FRANCISCO
SOWINSKI,

Sacrae Theologiae Doctore & Professore,
Collega Majore, Ecclesiarum Collegiatarum,
S. FLORIANI Decano, Custode Pilecensi, Can-
cellario Posnaniensi, Curato Prossovicensi,
Contubernij Philosophorum, & Scholarum
Novodvorscianarum Provisore,

Solenni Actu suae Responsionis,

PRO LOCO

Inter Perillustres, & Admodum Reverendos Dominos,

Sacrae Theologiae Doctores obtinendo:

M. CASIMIRO^A PROKOPOWIC,

*Philosophiae Doctore, Collegij Novodvorsiani
Rhetorices Professore,*

Orbi Academico

EXHIBITVS.

Anno Salutis, 1691. Die 12. Mensis Junij.

CRACOVIAE, TYPIS VNIVERSITATIS.



SPLENDOR
THEOLOGICI HONORIS & SAPIENTIÆ.

R Ara & magnifica Sapientiae opera,
tum demum in lucem publicam, vultusq; spectantium,
ipse sua Daedalus gloria extulit Orbis;
postquam ex oraculo, ore Numinum diserto,
Sapientia dicta,
Augustam Majestatem suam, celsiq; culmen honoris,
supra mentium cacumina fixit.
Nimirum
altiùs se omni fastigio tollunt,
& è suis emergunt tenebris;
si dignam alti sedem honoris decora inveniant:
& non funesto sub cortina ignorantiae pressa silentio;
sed augustiori ornata elogio,
Cedris perennibus, & immortalitati asserantur.
Diversum equidem est, longeq; aliud;
factis illustrioribus, solis purpuram, fulgurq; luminis æmulari,
& in augem honoris, cum sole non ascendere,
ut gratior clariorq; fias:
illud virtutis industria, hoc in ea, & exilis ingenij prona demissio.
Excelsa semper ambiunt, qui ritè virtutem amant:
nam quòd virtuti pulcher in omni Republica locus,
primaq; fastigia debeantur,
non amplius consulimus oracula Phœbi.
Sceptra dedit Orbis in manus indulgentior fortuna Macedoni,
non quòd sanctæ jura amicitiae cum eo coluit;
sed quia altam Juvenis verrita Indolem,
Splendorem Virtutis, & Majestatem Sapientiae in eo adoravit.
Scipiones, Camillosq;,
& post, rarâ felicitate Augustos,
non jure sanguinis;
sed merito, pretioq; virtutum,
triumphali Magnificentiae pompâ,
usq; ad prodigium; stuporemq; gentium Roma extulit.
Favit cruentus, & sæpius indulsit Pœno Annibali Gradivus,
& quia iuratus hostis pro Patre Romanis,
& quia

*Et quia decora militaria, virtute Et sapientiâ quarens,
non semel proprio sanguine litavit Gradivo.*

*Ita nempe fit,
ut quod Virtuti germanum est,
gestisq; & magnitudine sui, Orbem attonitum reddit,
idem sit augustum, & eminens,
non ambitionis fastigio; sed excellentiâ meritorum.*

Hanc in Te,

*pulchram, satisq; felicem, Virtutis & Sapientiæ consociationem,
magno Tuo gaudio, & meritis plenus,
stupet faustus suis vicibus sapientiæ Orbis;
Et ego Tuorum ultimus laudator decorum,
pronâ submissione veneror,*

Perillustris, Clarissime, Et Admodum Reverende Domine,

D. CHRISTOPHORE SOWINSKI,

novo Sapientiæ sereno,

exoriens Doctorum Splendor.

*Gemmeos Tuæ Adolescentiæ annos, primùm inspicio;
ut cognoscaris ex primis virtutum lineamentis
quantus crevisti à fascijs,
etiam, nisi modestia repugnet,
ad fasces literatos.*

*Feliciorem credo fuisse Tuam primo Nativitatis horoscopo Lucinâ;
quàm visa in ore Platonis dulcioris suade omina:
nam illum stulta fortunæ adulatio,
aut ingeniosior infantiae casus,*

*Te magna Virtutum indicia,
Summum Sapientiæ Mystam præsagiebant.*

*Ita quippe, non vano felicitatis augurio,
quis olim quisq; futurus sit,
Indoles maxima quæq; spirans,
Virtutesq; ipsa,
in adolescentiâ, tanquam in herba significant.*

*Ex more temporis,
prætextam indutus,
& amantium voto Parentum,
teneriori consecratus Minervæ,
illicò sollicitam suscepisti curam;*

& sæpius Adoscens, sed Vir ingenio,
hanc contemplationem in animo versans, cogitasti;
quid de Te sentiret ipse Pater Musarum Phœbus,
quid Superi, quid fata decernerent;

& in tempore,
vel implens, vel anticipans fata,
mensus es minores ludos Palladis,
illâ gloriæ & ingenij amussi,
quam Tua ferebat ætas.

*Adeo namq; fervens est ad gloriam adolescentia;
ut quos sibi proposuerit in exemplar,
aut pari adæquare virtute, aut maiori præcurrere velit.*
Ivisti semper ex composito honoris:

ubiq; major,
ubiq; ad virentes gloriæ laurus paratior;
quousq; doctæ ædem sapientiæ, & immarcescibiles Philosophorum
laureas non pertingeres.

Passus hic Tuus, non leve curriculum erat:
licet alijs interdum blando se honor favore, & fortuna vendant;
Tibi nulla fortunæ propensio,
nullus honor, nisi à labore,
eòq; diuturnior, quò operosior venit in coronam.
Stupebat *Te Perillusstris & Admodum Reverende Domine*
Academus, & gaudebat simul,
bonaq; omina dabat faustus omnium rumor,
tempus illud non procul fore;
quo Te nutritum sibi in Filium,

Patrem habeat Alma Mater Academia.

*Sic enim vices & providentia, sic certa lex mundi,
& grata conscientia poscit;
ut qui nutriti sunt,*

*dent iterum iusta suæ libamina Matri,
& redamatum amorem rependant in Parentes.*

Hoc Tu voto & amore ferebaris
in Parentem Vniversitatem Cracoviensem;
ideo,
ut gratitudinem gratitudine pensares,
non exiguis in ortu Tuo, Sapientiæ Splendor radiis micans,
omnia tantæ Matris iussa,

sanctè

sanctè integrèq; studuisti implere,
& gratum eius lumine Tuo serenare vultum.

Et primùm

magnâ prouocatione gloriæ;

destinationeq; Maiorum,

effulsisti,

hoc Tuo sapientiæ splendore,

Nouoduorsiani primâ Palæstrâ Collegij;

spinosa Dialecticæ ænigmata,

aut felicior Oedipus soluens,

aut Phœbi æmulâ sapientiæ luce illuminans:

vmbras & nubila ingeniorum

gratiosissimè dispulisti.

Est etiam & ingenij sua nox & umbra;

& nisi sapientia lumen accedat,

quid aliud sunt?

quàm atra crescentis ignorantia diffusio.

Verùm

quantùm hîc Tuo profecisti lumine,

tantùm gloriosè alibi resplenduisti,

radiantibus ingenij Tui facibus,

splendorem sapientiæ cum sole diffundens.

Etiam

in statione Lubranscianæ Academiæ,

Cursu Philosophico,

stetisti quidem arduo laboris certamine,

non ad vesperam sicut sol Iosue;

sed in meridie, mensuram lucis adimplens.

Et pulchram ibidem circumtulisti sapientiæ Maiestatem,

Q U I,

maioribus in dies conatibus sudans,

æmulâ cuiusq; magnitudinis

mentis Tuæ capacitate,

arcana Philosophantium dogmata,

non solum comprehendisti in exemplum Nominis Tui;

sed

exhaustisti in admirationem sequentium:

noluisti alio fulgere splendore,

B

nisi

nisi quem summus labor, doctaq; industria excuteret.

Atq; ita,
non obuio cuiquam ingenio,
moribus iudicio bonorum census, satisq; per se laudatis,
ex regula & æstimatione virtutum;
discretâ in rebus prudentiâ,
altâ contemplatione sublimium,
festiuo ore, vultuq; amabili,
pulchrius Tuis in sapientia operibus vernans,
effloruisti;
vt quocunq; Te ostenderes,
vota gloriæ pro Te,
amplitudine honoris, & Maiestate sapientiæ certarent.
sæpius Tibi de ingenio,
de plausu laudantium, & admirantium,
deque Tui fruitione honoris
demere suetus,
modesto frontis supercilio,
vniuersa laboris, virtutum, & sapientiæ negotia,
ad gloriam immortalem mouebas.
*Interdum ingenioso neglectu decora Nominis relinquere,
& ingenio mediocrem expedit esse;
nè aut suspicionem ambitionis moueas,
aut supra mensuram sapere videaris.*

Sic statuisti

PERILLUSTRIS & ADMODUM REVERENDE DOMINE,
metam Tibi ponere;

sed non ita sapientia voluit:
qui etsi Te ad mensuram mediocritatis componeres,
non mediocris tamen habitus,
cuique celsiori mentium fastigio non impar,
quò demissior, eò altior surgebas,
opus Tuum gloriæ magnificum,
& magnis nixam laboribus, honoris maiestatem,
architectante sapientiâ,

Loquantur exedræ, porticusque stoa?
quibus gloriosius,
quàm suis olim in Rostris Romana in Tullio,

trium-

triumphasti Eloquentia :
loquatur selectissima portio, vultusq; hominum ?
quos arcano sapientiæ sensu,
Diuinior in resoluendis Philosophicis dogmatibus Plato,
in stuporem, dulcemque in Te contemplandi normam,
non semel rapuisti.

Habes
Magne Doctor ?

vnde
triumphales gloriæ voces,
vnde
plausus audias & elogia ?
habes non vili pondere merita virtutis,
docti exempla laboris,
& augusti honoris Maiestatem, ac splendorem.

sed
non hîc Laudum Tuarum & gloriæ coronis,
qui nunquam à magnis operibus desinere doctus,
linguas immortales,
& Cedro digna gloriæ trophæa mereris.

Ergo

ne ex alieno tantum ore placens,
quo etiam æstimationem famæ,
& ex condigno Tibi respondentem
laudum integritatem merearis,
etiam domi Tuæ,
dignis Regum pupillis & auribus,
sacrationibus non cares leporibus :

Hîc

illud literati Orbis pretium & decus,
sapientiæ & virtutis thesaurum,
Sponte fusam dulcis eloquentiæ venam,
Magnum Tuum loquor Lepieccium :
cuius adhuc pientissimi,
dignissimis immortalitate trophæis,
spirant manes,

&
in magno Tuo pectore,
resuscitatis sacrationibus mentis ardoribus calent.
vnus pro Te,
proque gloria Nominis Tui;
sed omnium idiomate locutus,
non magis Tuo sapientiæ splendori fauens iure sanguinis;
quàm Iustitiæ, zelo virtutum,
suasit;
ne aliò auellereris ab orbe literato,
qui futurus eras
meritis magnorum operum
Splendor sapientiæ.

Hic Te vestiget,
gressusq; Tuos præpetes ad gloriam consequatur velocius,
quisquis habet excelsi pennas ingenij?
decurrat tecum;

sed ille tantum, qui par Tibi ex ingenio?
Festinato passu Tua honoris vestigia lustret,
si nouit Tuorum exæquare Olympia factorum.

Tu curris,
Festinus ad Caput Orbis, Dominamque Gentium urbem,
satis glorioso tramite;
sed felicius, quòd binis curris auspicijs.
fauore scilicet,

Principis in Orbe Lechico Domus,
& Tuæ virtutis eximio impulsu.

Armatum Equitem,
Illustrissimorum & Excellentissimorum
Ducum in Kleuan

CZARTORISCIORVM,
non sessorum, sed æmulum tanti operis habens,
sequeris;

quò vel tam altus Principum approperat sanguis,
vel fausta gloria ducit.

meruisti tam glorioso, & non præpostero cursu;

non solum ex certamine victor,
& non semel cum delicio,
cum stupore Purpurati Doctorum senatus,
in Romana Sapiencia visus,
vbique pollens, vbique potens ingenio,
factis & sermone rectus,
vita & innocentia integer,
omnibus placens,
omnesque vlnis propensæ voluntatis complexus,
ex tam glorioso publicoque certamine,
Doctorem lauream reportares;

Sed

etiam in Patriam redux,
credita Tuæ institutioni Indole felix,
non mediocribus salutatæ elogijs,
in Principe Domo,
perennes gratiarum fauores,
& effusi symbola amoris capefferes,
Magnus honoris comprehensor.
Iniurium quippè virtuti est,
si par meritis, & laboribus merces non rependitur.

Et

præstò fuerunt manibus
Tuis digna præmia factis:
sed
quà aliò Te vocauit genius sapientiæ;
ideo
parcè fauoribus Principum vsus,
quamuis copiosè in Te diffundebantur;
Fastidientis cum Romano sapiente stomachi esse ratus,
omnia degustare,
quæ magis coinquinant, quàm alunt:
aliòq; diggressus,
nulli ambitioni,
nulli fucò placens,
in vmbroso,
ceu sol in aquis,

Te

Te
condidisti Academo;
ut æmulâ solis virtute,
in splendorem sapientiæ emergères.
Quis non legit vota sapientum?
quæ Te diu poscebant:
quis non audiuit linguas Doctorem?
quibus Te in stationem Academicam vocabant:
quis non mirabatur verum in Te sapientiæ amorem?
qui magnâ sui teneritudine,
& propensione Te sibi deuinxerat.

Si ignorat,
intelligat vel exindè felicitatem Tuam,
quòd etiam absentem, Romæque incolam,
Almæ Vniuersitatis
altiores gradus honore,que ornauerint.
Collega Minor factus, ex arbitrio legis;
sed ex merito Maior,
nec procul absuit optatum tempus illud,
quo Maior Collega factus,
eam suscepisti sollicitudinem,
quomodo Minor omnibus fieres;
sed non potuisti.

Quia
citra condignum virtutis erat,
minui pretia honoris Tui,
& non augeri splendorem,
quem occulta Cæli prouidentia,
& candidus superûm fauor,
in solem publicum
efformabat.

Hic,
quantus in sacro Patrum senaculo & sapientiæ habitus es,
ex Te computa?
& is tandem ignorat,
qui se hominem nondum cognouit,
aut viuens se non viuere putat.

Et
Nō

Non

Non iocundus in statione tua,
& tamen non sollicitus.

*Plebeia enim mentis est, ex euentu pendere,
& dubium esse;*

qua cura hodiè, qua cras industria profit;

Et excutere omnia vota pectoris, ut omnia ad votum cedant.

Nō hęc Tibi Perillustris Domine cogitatio,

Non hęc vana operatio fuit:

Minimè luctabaris, nec ingeniosos quasiuisti modos,

& tamen semper victor,

semperque honoratus,

triumphasti sine omni sollicitudine.

Et

quamuis pridem maximos vicisti labores;

noluisti in statione Academica diuersus à laboribus censerì.

Iterum

ad Cursum gloriæ Tuæ redeo?

quem duplici Cursus Philosophici certamine consumâsti,
vsque ad brauium altioris sapientiæ.

Non relinquo Decanalem Purpuram?

quâ augustè satis eminuisti.

Dubium est,

an ostro suo rubescens honor ille,
dignum sibi pretium inuenire potuit?
dum à Te gestaretur.

*Nam illi semper tantum est,
quod suus natiuus non impallescat rubor,*

Tu illi Vir Maxime,

Diuino prorsus ingenio attribuisti;
ut etiam gemmis, & splendore sapientiæ radiaret.

Quis enim

gemmeam in Te non venerabitur sapientiam?

cuius similitudo in concinna oris symetria,

tornatilique argumentandi affectu,

splendor in sublimitate ingenij,

æstimatio in captu,

elegantia in sermone,
decor & pretium in stupore;
similitudinem, figuram, amorem, æstimationem, valorem, splendore,
& pretium gemmarum refert & exprimit.

Delicium eras tot publicis, quæ Te stupebant disputationibus,

non aliter sicut apis,

dulce in ore nectar & aculeum portans:

vbi sicca, succoque destituta scientiarum arescebant ingenia,

nectare sapientiæ perfundebas suauiter,

& doctas dulcorabas mentes:

vbi inermis deferebatur veritas,

pungebas stricto mentis acumine,

& acer pro veritate defensor,

explicabas arma sapientiæ.

Medium tenuisti sicut beati;

quia utrumque vitium ratus; pridem apud Te statuisti;

& mollem, & nimis acutum esse.

Tot tantisque stipatus Tuis decoribus,
videris mihi Perillustis & Admodum Reuerende D. DOCTOR,

iam verè in splendorem sapientiæ effulgere,

& altius ascendere,

ut solent,

quos labor virtusque leuat.

Verum

siste gradum,

& paulò ante contemplare?

quæ Tibi hunc altum honorem dilatant auspicia?

non est ex omni parte gloriosum ascendere in fastigium,

nisi omnes videant,

quibus illuc vestigijs entaris:

Nec dulce frui gloria, nisi eius grata fruitio,

Principibus etiam viris innotescat.

Tu tamen

festinas in sublime Diuinæ Theologiæ culmen,

& nihil Tuâ interest,

quid de Tuo splendore alienus cogitet fauor?

cogitauerunt tamen amplissima,

Illu-

Illustrissimæ Domûs Warszyciorum Gratiæ:

Nam Te ad Sapientiam properantem,
Ecclesiasticâ dignitate, Custodis Pilecensis coronârunt.

Quàm tenerrimè,

Magnus ille Orbis Lechæi Senator,

Illustrissimus olim & Magnificus Dominus,

D. STANISLAUS WARSZYCKI

Castellanus Cracouiensis,

Te dilexerat,

viua sunt tanti monumenta amoris,

legat posteritas.

Domi in statione Academica,

etiam non vano titulo collegisti honores:

Primò

Canonicus S. FLORIANI,

modò felix superstes DECANUS,

& Præpositus Prossouicensis,

Magnus in Theologia Professor

triumphas.

Quare,

Debet Tibi Perillustris & Adm. Reverende Domine,

non vile pretium honoris. VNIVERSITAS;

pro cuius integritate, immunitatibus, & legibus,

in publicis Augustæ Reipublicæ Polonæ Comitijis, ac Comitiolis,

non semel, nec vano zelabas conatu.

Debet docti cætûs corona,

& non vna discentum artes legio,

propensi pectoris æternam gratitudinem;

cui erudiendæ in sapientia,

vitam & sanguinem Tuum consecrâsti.

Debent Amici dimidium sui;

quibus dimidium Tui, si non totum dedisti.

Debent Professores Vniuersitatis,

venerationis vestrigal;

quos Tu magnis virtutum & sapientiæ exemplis imbuisti.

Debent sacræ Religiosorum Familiæ,

D

peren-


perennis monumenta honoris?
 quas Tu Votis beneuolentiæ,
 & quæ par est dignis, promptitudine prosequeris.
 Debet Nobilissima Orbis Lechæi Propago
 reuerentiam;
 cuius imbecillis iuuentæ mores,
 Sapientissimus Prouisor,
 Magnuſq; Chiron,
 ad honestatis, & scientiarum amuſſim conformas, & dirigis.
 Debet inſuper totus Lechicus Orbis, & Eccleſia,
 perennem memoriam;
 quia vtriq; ,
 labore, doctis lucubrationibus, Virtute, & ſapientiâ fulges.
 Haſtenus ergò,
 exantlatis Diuinæ planè mentis Tuæ indiſtriâ laboribus,
 dum Te Perilluſtris & Adm. Reuerende Domine,
 ex voto Vniuerſitatis Noſtræ,
 nouo in ſplendore ſapientiæ
 conſalutamus DOCTOREM;
non thura, nec caſas animalium victimas;
 ſed vota,
 & gratas voces nuncupamus Cœlo;
 vt te ſuperi diu Orbi Academico ſeruent.
Viris enim ſapientibus, vt immortalis vita prorogetur, decet.
 Age ergo triumphum,
 & computa faſtos?
 in delictum humani generis,
 factus ipſe,
 Sacratiori Diuinæ ſcientiæ lumine,
 Theologiſci Honoris, & Sapientiæ
 S P L E N D O R.

ODE

O D E
VIRTVTI & HONORI,
Perillustris, Clarissimi & Adm Reuerendi Domini,
A P P L A U D E N S.

A Vgusta Magni, plenaque Gratijs,
Proles Tonantis, quæ sapientiæ,
Fasces gubernas literatos,
Orbe choros recinente plausum
Resolue Pallas? rumpe silentia?
Carmen sonorum, carmen amabile,
Plaudente decantes Minervâ,
Fer cytharas comitante Phœbo.
Dies triumphi, lætaque personant,
Altum canenti gaudia Barbitò,
Procedit in sublime virtus,
Lilia ferte Rosasque Musæ?
Quis celsa scandit culmina gloriæ?
Dic fama quæso, dic bene poscimus?
Magnus S O W I N S K I, qui coronas,
Ingenio sapiente poscit.
Nunc dulce carmen, votaqué concinat,
Cultu sereno, præferat auream
Plausus tabellam? cûi perennis
Sculpat honor monumenta laudis.
Opes beatas & Sapientiæ,
Describat auro? quas neq; prodiga,
Arrodât, æui, dente sæuo,
Nec minuat carie vetustas.
Æternitatem nam sibi vendicant,
Sudata magni facta negotij,
Omnemq; supra obliuionem,
Per titulos memoranda viuunt.
His clarus alto gestit in effedo,
DOCTOR supremæ, gemma scientiæ,
Qui sacra Musarum trophæa,
Non leuibus numerauit annis.

Excelsa magnis clara decoribus,
Vbiq; felix, præmia computans,
Collegit alto semper ausu;
Possidet en pretium coronæ.
Quid ipse gessit, publica vox canit,
Serenioris laudis adoreâ,
Fastos repleuit cultiores,
Dogmata nam quoties capaci,
Inter togatos mente sagacior,
Coetus reuoluit; visus erat loqui
Orâcla Doctorum, & disertum
Hic toties cecinit triumphum.
Stetit futuræ, quàm bene gloriæ
Augusta moles, marmora celsius
Virtute transcendens; & vdam
Spreuit humum, penetrans Olympum.
Quid poscit vltra? quid generosior
Requirat Orbis fama? quid ampliùs
Optant Camænæ? quando stoæ
Magnus habet loca summa DOCTOR.
Vilendus hic est, hic sua gloriæ
Trophæa pandit, milleq; plausibus,
Votisq; mille Gratiarum,
Excipitur resonante Pindo.
Ergo supremis viuât honoribus?
Viuât triumphans? sitquæ Academiæ,
Sacraeq; sit Doctor Cathedræ?
Aurea lux, Cynosura, SPLENDOR.



Permissu Magnifici Domini
R E C T O R I S.





m.

R.

DOR.

17. x. 12. 20

